



Servetsch psicologic da scola Grischun

Cussegliazium da scola e d'educaziun

Cussegliazium, diagnostica ed accumpagnament per scolaras e scolar, personas d'instrucziun, direcziun da la scola, autoritads da la scola populara u responsabels per l'educaziun tar damondas da:

emprender cumportament singularitads dal svilup difficultads psicics e socials dinamicas en classa (mobbing / crisas) svilup da la scola

En **cas d'urgenza** (accident, mort e.s.) succeda l'alarm da **l'equipa d'urgenza dal SPS** via CAS 144 u 081 257 27 36 (secretariat USS, resguardar uras da biro).

Per ina **cussegliazium d'educaziun** pon ils geniturs s'annunziar directamain.

Flyers per geniturs u scolas pon vegnir empustads tar il secretariat.

Tar **la promoziun integrativa senza adattaziun da las finamiras da l'instrucziun** vegn consultà il SPS mo en cas da malsegirtad (p.ex. promoziun senza success, disturbi da leger e d'ortografia intschert, disturbi da quintar u talents extraordinaris).

En cas da dumondas davart in'eventuala **adattaziun da las finamiras da l'instrucziun** u davart **la scolaziun speziala** èsi fitg impurtant d'integrar il SPS uschè baud sco pussaivel per chattar ina soluziun e per prender ina decisiun. Avant la realisaziun da questas mesiras e tenor las prescripziuns chantunalas **sto il SPS far scleriments ed inoltrar ina dumonda**. La collavuraziun è confidenziala e gratuita. Il proceder po mintgamai vegnir adattà a la dumonda. Il SPS na fa nagins protocols. Cun il consentiment da las personas responsablas per l'educaziun pon infurmaziuns che pertutgan in uffant en cas da basegn pli tard vegnir discutadas anc ina giada cun la scola u cun ulteriuras personas pertutgadas.

La finamira da la collavuraziun è da sviluppar perspectivas utilas e da preschentar novas pussaivladads d'agir.

Cussegliazium persunala e spezialisada

Persunas d'instrucziun, direcziuns ed autoritads da scola pon contactar adina il SPS per ina cussegliazium spezialisada, independentamain d'ina annunzia u d'ina scolara u d'in scolar, p.ex. per sclerir soluziuns pussiblas durant ina situaziun difficila u davart dumondas da la pedagogia u psicologia. Ultra da quai èn pussaivels inputs professionals per personas d'instrucziun u per geniturs.

Procedura en il cas singul

Annunzia

- La persona d'instrucziun e las personas responsablas per l'educaziun discuteschan cuminaivlamain l'annunzia ed inolteschan quella a maun dal formular d'annunzia (il consentiment da las personas responsablas per l'educziun sto esser avant maun)
- www.av.sr.ch>sps>annunzia

Scleriment

- chapir l'uffant sco unitad en ses svilup per sustegnair novas pussaivladads d'encleger e d'agir
- registrar fermezzas, deblezzas e resursas sin plaun individual sco er en ils conturns da l'uffant, en spezial en la famiglia ed en scola (tut tenor dumonda a maun d'in discurs, d'ina observaziun, d'ina diagnostica da test, d'in gieu, d'ina visita da scola e.u.v.)

Discurs da cussegliazium/ Maisa radunda

- resumar sistematicamain las differentas perspectivas ed enconuschientschas (da la scola, da la famiglia, dal servetsch psicologic da scola)
- elavurar novas soluziuns e novs svilupps pussaivels
- fixar mesiras da promoziun concretas

Rapport psicologic da scola

- en cas da mesiras che pretendan tenor la lescha da scola in rapport / ina proposta dal servetsch psicologic da scola (scolaziun speziala, adattaziun da las finamiras da l'instrucziun, cumenzament anticipà da la scola resp. suspensiun, exclusiun da la scola)
- en cas da promoziun integrativa senza adattaziun da las finamiras da l'instrucziun na prevesa la lescha da scola nagin rapport
- en cas excepziunals er tar autras dumondas

Accumpagnament

- Per sustegnair il svilup e tut tenor cunvegna poi esser raschunaivel ch'il servetsch psicologic da scola accumpogna l'uffant, ils geniturs u la scola.